

Na osnovu člana 16.stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 30. i 46. Zakona o izvršavanju Budžeta Zeničko-dobojskog kantona za 2022.godinu („Službene novine Zeničko-dobojskog kantona“, broj 1/22) na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 140. sjednici, održanoj dana 04.02.2022.godine, d o n o s i

ZAKLJUČAK

I.

Daje se saglasnost na Program utroška sredstava Fonda za zaštitu okoline za 2022.godinu u razdjelu 19, budžetska organizacija 01, potrošačka jedinica 0001, Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), ekonomski kod 614100 (Tekući transferi općinama iz sredstava Fonda za zaštitu okoline) u iznosu od 3.290.000,00 KM (slovima: trimilionadvijestotinedevdesethiljada konvertibilnih maraka) i ekonomski kod 614300, 614100, 613900, 615100 i 615400 u iznosu od 1.260.000,00 KM (slovima: jedanmilijondvijestotinešezdesethiljada konvertibilnih maraka) koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svoje nadležnosti.

IV.

Zaključak stupa na snagu danom donošenja.

Broj: 02-_____ /22
Datum, 04.02.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Ministarstvo finansija,
1x a/a.

Program utroška sredstava Fonda za zaštitu okoline za 2022.godinu

I

Budžetom Zeničko-dobojskog Kantona za 2022. godinu („Službene novine Zeničko-dobojskog kantona“ broj:1/22) na razdjelu 19, budžetska organizacija 01, potrošačka jedinica 0001 - Ministarstvo za prostorno uređenje, promet i komunikacije i zaštitu okoline, utvrđena su sredstva za zaštitu okoline za 2022.godinu u ukupnom iznosu od 4.550.000,00 KM.

Sredstva u iznosu od 300.000,00 KM opredjeljena su za nastavak implementacije Zakona o povjeravanju javnih ovlaštenja iz oblasti zaštite okoline („Službene novine Zeničko-dobojskog kantona“ broj:12/13), shodno kojem je Institut „Kemal Kapetanović“ u Zenici dužan planirati ista u okviru razdjela 22 - Ministarstva za obrazovanje, nauku, kulturu i sport, 2201- Univerzitet u Zenici- Institut „Kemal Kapetanović“. Utvrđeni iznos predstavlja procjenu opredjeljenih sredstava isključivo iz planiranog priliva ovih namjenskih sredstava za 2022.godinu.

Sredstava za zaštitu okoline raspoređuju se, u skladu sa Odlukom o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj:18/12, 1/15) tako da se 70% sredstava u odnosu na budžetski priliv, odnosno iznos od 3.290.000,00 KM usmjerava u budžete općina/gradova, a 30%, odnosno iznos od 1.260.000,00 KM su pripadajuća sredstva Vlade Zeničko-dobojskog kantona.

Općine/gradovi sredstva troše namjenski za planove i projekte iz oblasti zaštite okoline. Izvještaj o utrošku tih sredstava općine/gradovi na kraju godine dostavljaju Ministarstvu za prostorno uređenje, promet i komunikacije i zaštitu okoline, koje priprema Izvještaj za Vladu Zeničko-dobojskog kantona.

Kriterij: Kriteriji za raspodjelu sredstava općinama/gradovima Zeničko-dobojskog kantona sadržani su u Odluci o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj:18/12, 1/15), tako što se sredstva u iznosu od 70% u odnosu na budžetski priliv doznave općinama/gradovima Zeničko-dobojskog kantona, a osnova za obračun su ukupno prikupljena sredstva sa područja svake općine/grada.

Budžetska sredstva planirana u koloni „Plan izdataka iz namjenskih sredstava“ u iznosu od 4.550.000,00 raspoređena su na sljedeći način:

Ekonomski kod	Vrsta izdatka	Iznos sredstava
614100	Tekući transferi općinama iz sredstava Fonda za zaštitu okoline	3.290.000,00 KM
614100	Transferi drugim nivoima vlasti (Troškovi finansiranja projekata Vlade iz sredstava Fonda za zaštitu okoline)	150.000,00 KM
615100	Kapitalni transferi drugim nivoima vlasti	760.000,00 KM
615400	Kapitalni transferi javnim preduzećima	150.000,00 KM
614300	Tekući transferi neprofitnim organizacijama	150.000,00 KM
613900	Ugovorene usluge	50.000,00 KM
UKUPNO		4.550.000,00 KM

II

Budžetom utvrđena sredstva u iznosu od 1.260.000,00 KM Ministarstva za prostorno uređenje, promet i komunikacije i zaštitu okoline za 2022. godinu će se utrošiti za realizaciju sljedećih projekata.

1. Naziv projekta: Pomoć općinama/gradovima/komunalnim preduzećima Zeničko-dobojskog kantona u postupku zbrinjavanja komunalnog otpada (izgradnja novih sadržaja, rekonstrukcija postojeće infrastrukture, nabavka opreme i sl.)

Cilj projekta: U cilju realizacije Plana upravljanja otpadom Zeničko-dobojskog kantona, Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, kao i Strategije razvoja Zeničko-dobojskog kantona za period 2021.-2027. godina potrebno je pružiti pomoć općinama koje odlažu ili planiraju odlaganje otpada na Regionalnu deponiju „Mošćanica“. Upravljanje komunalnim otpadom podrazumijeva uspostavu odgovarajuće infrastrukture za prikupljanje i zbrinjavanje komunalnog otpada pri deponijama i općinskim odlagalištima - izgradnju pretovarnih stanica i drugih sadržaja namijenjenih selektiranju, recikliranju komunalnog otpada i odlaganju na uređenu regionalnu deponiju, rekonstrukciju postojeće infrastrukture, nabavku opreme i sl. Program će se realizirati putem javnog poziva.

Iznos sredstava: 460.000,00 KM

Kriterij: Sadržani su u Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, Planu upravljanja otpadom Zeničko-dobojskog kantona 2009-2029. godina, kao i Strategiji razvoja Zeničko-dobojskog kantona za period 2021.-2027. godina. Program će se realizirati putem javnog poziva na osnovu sljedećih kriterija:

- Pripremljenost projekta (pripremljenost tehničko-tehnološke dokumentacije, postojeće saglasnosti i dozvole, stepen pripremljenosti za početak radova, itd.).
- Usklađenost planiranih aktivnosti sa akcionim planom Federalne strategije zaštite okoliša, Kantonalnim ekološkim akcionim planom Zeničko-dobojskog kantona, Planom upravljanja otpadom Zeničko-dobojskog kantona.
- Efekti na okoliš stanovništvo koji se postižu realizacijom predloženog projekta.
- Rok realizacije projekta
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Obezbeđenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta).

2. Naziv projekta: Pomoć općinama/gradovima / komunalnim preduzećima Zeničko-dobojskog kantona u postupcima održavanja i sanacije postojećih općinskih odlagališta, finansiranju transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl.

Cilj projekta: U cilju realizacije Plana upravljanja otpadom Zeničko-dobojskog kantona, Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, kao i Strategije razvoja Zeničko-dobojskog kantona za period 2021.-2027. godina potrebno je pružiti pomoć općinama i komunalnim preduzećima pri uspostavi održivog integralnog sistema upravljanja otpadom koji podrazumijeva planiranje ulaganja u sektor upravljanja otpadom kroz realizaciju aktivnosti koje se odnose na održavanje i sanaciju postojećih općinskih deponija, kao i sve aktivnosti vezane za čišćenje obala rijeka i čišćenje i sanaciju divljih deponija i sl.

Pomoć općinama u upravljanju komunalnim otpadom podrazumijeva i pomoć u finansiranju transportnih troškova za najudaljenije općine u odnosu na regionalnu deponiju. Program će se realizirati putem javnog poziva.

Iznos sredstava: 150.000,00 KM

Kriterij: Sadržani su Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, Planu upravljanja otpadom Zeničko-dobojskog

kantona 2009-2029. godina, kao i Strategiji razvoja Zeničko-dobojskog kantona za period 2021.-2027. godina. Program će se realizirati putem javnog poziva na osnovu sljedećih kriterija:

- Pripremljenost projekta (detaljan opis projekta po fazama kao i svih projektnih aktivnosti i dinamike realizacije)
- Usklađenost planiranih aktivnosti sa relevantnim strateškim dokumentima i prioritetnim područjima.
- Referentna lista već implementiranih sličnih projekata.
- Stepen povoljnog uticaja na okoliš i održivost projekta (očekivano poboljšanje kvaliteta okoliša, širi korisni uticaj projekta na okruženje i sl.).
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta)

3. Naziv projekta: Podrška podizanju svijesti o okolišu

Cilj projekta: Ostvariti partnerski odnos i saradnju sa nevladinim organizacijama, udruženjima građana, sportskim klubovima, javnim ustanovama uz podržavanje apliciranih projekata kojima se propagira zaštita okoliša i podizanje svijesti građana o potrebi okolišno održivog ponašanja u implementaciji niza modela za zbrinjavanje otpada, smanjivanja zagađivanja zraka, zaštiti prirode, voda i tla.

Iznos sredstava: 150.000,00 KM

Kriterij: Sadržani su u Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina i Strategiji razvoja Zeničko-dobojskog kantona za period 2021.-2027. Godina. Program će se realizirati putem javnog poziva na osnovu sljedećih kriterija:

- Pripremljenost projekta/detaljan opis projekta u skladu sa zahtjevanim sadržajem programa.
- Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta)
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Referentna lista već implementiranih sličnih projekata.
- Rokovi za realizaciju projekta.
- Uključenje većeg broja volontera

4. Naziv projekta: Finansijska podrška uređenju objekta „Eko kuća“ na Ponijerima

Cilj projekta: U okviru realizacije ovog projekta predviđeno je potpuno uređenje, sanacija i adaptacija objekta Eko kuće na Ponijerima u općini Kakanj.

Osnovni cilj uređenja Eko kuće na Ponijerima je da se, u periodima prekomjerne zagađenosti ambijentalnog zraka u Kaknju i u drugim gradovima/općinama, obezbjeđe uslovi stanovništvu sa područja Zeničko-dobojskog kantona i ostalih kantona, najmlađoj populaciji, rekreativcima, kao i ostalim posjetiocima za boravak na čistom zraku, te korištenje sadržaja i resursa Ponijera. Zimsko-ljetno izletišta i ski-centar Ponijeri se nalazi na 1.000 metara nadmorske visine i zbog velikih šumskih bogatstava i izuzetnog kvaliteta vazduha ovo područje je proglašeno vazdušnom banjom. Na Ponijerima se nalazi i jedino skijalište na području Zeničko-dobojskog kantona

Cjeneći aktuelnu ekološku situaciju kao i kapacitete za korištenje sadržaja i resursa Ponijera u toku 2022. godine planirano je zaključenje Sporazuma o saradnji o zajedničkom učešću u realizaciji projekta uređenja objekta „Eko kuća“ na Ponijerima u Kaknju između Zeničko-dobojskog kantona, Ministarstva za prostorno uređenje, promet i komunikacije i zaštitu okoline i Općine Kakanj, kojim će biti planirana sredstva za sufinansiranje projekta uređenja objekta „Eko kuća“ na Ponijerima.

U sklopu realizacije ovog projekta Općina Kakanj je u 2020. godini izvršila kupovinu objekta na Ponijerima i opredjelila finansijska sredstva u iznosu od 50.000 KM za izvođenje osnovnih radova na uređenju objekta Eko kuće na Ponijerima. Za kompletno uređenje, sanaciju i adaptaciju, te potpuno stavljanje u funkciju ovog objekta potrebna su finansijska sredstva u iznosu od 150.000,00 KM.

Iznos sredstava: 150.000,00 KM

Kriterij: Sadržani su u Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina i Strategiji razvoja Zeničko-dobojskog kantona za period 2021.-2027. godina. Kod opredjeljivanja sredstava za ovaj projekat osnovni kriterij je javni značaj ovog objekta, kako za lokalnu zajednicu tako i za Zeničko-dobojski kanton, zbog čega je ovaj projekat opredjeljen kao prioritetni.

5. Naziv projekta: Finansijska podrška izgradnji solarne fotonaponske elektrane na „Regionalnoj deponiji Mošćanica” d.o.o. Mošćanica

Cilj projekta: U cilju realizacije Akcionog plana Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina (KEAP), kao i Strategije razvoja Zeničko-dobojskog kantona za period 2021.-2027. godina, te u cilju dobrog planiranja i efikasnije implementacije mjera definisanih ovim strateškim dokumentima neophodna je realizacija aktivnosti koje će doprinijeti stvaranju preduslova i kreiranju povoljnijeg društvenog ambijenta za ulaganja u povećanje energetske efikasnosti i korištenje obnovljivih izvora energije.

Ovim projektom će se pružiti finansijska podrška izgradnji solarne fotonaponske elektrane na „Regionalnoj deponiji Mošćanica” u cilju postizanja energijski učinkovitog načina proizvodnje i korištenja energije i smanjenja negativnih uticaja na okoliš.

Za realizaciju ovog projekta planirana je raspodjela sredstava u iznosu od 150.000,00 KM, a u toku 2022. godine planirano je zaključenje Sporazuma o saradnji o zajedničkom učešću u realizaciji projekta.

Iznos sredstava: 150.000,00 KM

Kriterij: Sadržani u Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, kao i u Strategiji razvoja Zeničko-dobojskog kantona za period 2021.-2027. godina.

Naime, u poglavlju 7.1. Privreda, u okviru Strateškog cilja 1. Povećanje energetske efikasnosti i veće korištenje obnovljivih izvora energije Akcionog plana KEAP-a, kao i u Strategiji razvoja Zeničko-dobojskog kantona za period 2021.-2027. godina u okviru Strateškog cilja 1. Osigurati resursno efikasan i održiv ekonomski razvoj uz jačanje konkurentnosti i razvoj poduzetništva, planirana je realizacija mjera koje doprinose stvaranju preduslova za kreiranje povoljnijeg društvenog ambijenta za ulaganja u povećanje energetske efikasnosti i korištenje obnovljivih izvora energije, razvoju novih energetske postrojenja iz obnovljivih izvora energije za energetske tranziciju, te stvore olakšice za investicije u obnovljive izvore energije.

Kod opredjeljenja sredstava za ovaj projekat uzet je u obzir stepen pripremljenosti projekta za realizaciju i spremnost nosioca aktivnosti za ulaganje vlastitih sredstava.

6. Naziv projekta: Finansijska podrška izgradnji objekta za instaliranje opreme za tretman infektivnog otpada u krugu JU Kantonalna bolnica Zenica

Cilj projekta: Zbrinjavanje otpada iz zdravstvenih ustanova predstavlja složeni sistem i njegovo uspostavljanje ovisi o nizu uslova u smislu njegova razvrstavanja na mjestu nastanka, sakupljanja, prijevoza, skladištenja, tretmana, kao i o saradnji svih zainteresiranih strana. U cilju rješavanja ovog gorućeg problema Zeničko-dobojskog kantona, a u vezi sa sigurnim tretmanom infektivnog otpada na samom mjestu nastanka i prema preporukama Svjetske zdravstvene organizacije (WHO) u toku 2020. godine Ministarstvo za prostorno uređenje, promet i komunikacije i zaštitu okoline Zeničko-dobojskog kantona je uspješno okončalo projekat nabavke opreme za tretman infektivnog otpada u zdravstvenim ustanovama na području Zeničko-dobojskog kantona. Oprema za tretman infektivnog otpada instalirana je i puštena u rad na lokacijama Opće bolnice Tešanj, JU Dom zdravlja Visoko i JU Dom zdravlja Zavidovići. Oprema koja je planirana da se instalira u krugu JU Kantonalna bolnica Zenica nalazi se u skladišnim prostorima Kantonalne bolnice i još uvijek nije instalirana zbog nepripremljenosti lokacije za instaliranje iste.

Ovaj projekat je nastavak aktivnosti iz prethodnih godina, kojim će se pružiti finansijska podrška izgradnji objekta za instaliranje opreme za tretman infektivnog otpada u krugu JU Kantonalna bolnica Zenica, a u cilju okončanja projektnih aktivnosti tj. instaliranja i puštanja u rad opreme za tretman infektivnog otpada. Za realizaciju istog planirana je raspodjela sredstava u iznosu od 150.000,00 KM, gdje je planirano zaključenje Sporazuma o saradnji o zajedničkom učešću u realizaciji projekta

Iznos sredstava: 150.000,00 KM KM

Kriterij: Sadržani u Akcionom planu Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, kao i u Strategiji razvoja Zeničko-dobojskog kantona za period 2021.-2027. godina.

U poglavlju 7.8. Upravljanje otpadom, u okviru Strateškog cilja 1. Smanjenje rizika po okoliš i zdravlje ljudi i uspostava prioritetne infrastrukture za integrirano upravljanje otpadom Akcionog plana KEAP-a, kao i u Strategiji razvoja Zeničko-dobojskog kantona za period 2021.-2027. godina u okviru Strateškog cilja 3. Poboljšati trenutno stanje okoliša, povećati energijsku efikasnost i unaprijediti javnu infrastrukturu, planirana je realizacija mjera koje doprinose uspostavi infrastrukture i sistema za upravljanje infektivnim i medicinskim otpadom na području Zeničko-dobojskog kantona.

Kod opredjeljivanja sredstava za ovaj projekat uzete su u obzir realizovane aktivnosti iz prethodnog perioda i u cilju su okončanja aktivnosti vezanih za instaliranje i puštanje u rad navedene opreme.

7. Naziv projekta: Izdavanje časopisa o zaštiti čovjekove okoline «ZE-DO EKO»

Cilj projekta : Redovno informisanje o aktivnostima na području svih općina Zeničko-dobojskog kantona, trendovima u oblasti zaštite okoline te podizanje ekološke svijesti svih slojeva stanovništva, a naročito mladih.

Iznos sredstava: 12.000,00 KM

Kriterij: Izbor najpovoljnije ponude izvršit će se u skladu sa Zakonom o javnim nabavkama.

8. Naziv projekta: Napiši priču uradi sliku

Cilj projekta: Ovaj projekat realizira se u saradnji sa NIPP „Naša riječ“ podrazumijeva izradu literarnih i likovnih radova, sa tematikom zaštite okoline, učenika osnovnih i srednjih škola sa područja Zeničko-dobojskog kantona. Završetak projekta se obilježava prigodnom manifestacijom uz dodjelu nagrada i zahvalnica.

Iznos sredstava: 6.000,00 KM

Kriterij: Izbor najpovoljnije ponude izvršit će se u skladu sa Zakonom o javnim nabavkama.

9. Naziv projekta: Promotivne aktivnosti, stručna usavršavanja

Cilj projekta : Organizacija seminara, okruglih stolova, radionica, propagandnih manifestacija, medijskih projekata, sufinansiranje izdavaštva itd.

Iznos sredstava: 32.000,00 KM

Kriterij: Izbor najpovoljnije ponude izvršit će se u skladu sa Zakonom o javnim nabavkama.

REKAPITULACIJA

R.br	NAZIV PROJEKTA	IZNOS SREDSTAVA (KM)
1.	Pomoć općinama/gradovima/komunalnim preduzećima Zeničko-dobojskog kantona u postupku zbrinjavanja komunalnog otpada (izgradnja novih sadržaja, rekonstrukcija postojeće infrastrukture, nabavka opreme)	460.000,00
2.	Pomoć općinama/gradovima/komunalnim preduzećima Zeničko-dobojskog kantona u postupcima održavanja i sanacije postojećih općinskih odlagališta, finansiranju transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl.	150.000,00
3.	Podrška podizanju svijesti o okolišu	150.000,00

4.	Finansijska podrška uređenju objekta „Eko kuća“ na Ponijerima	150.000,00
5.	Finansijska podrška izgradnji solarne fotonaponske elektrane na „Regionalnoj deponiji Mošćanica“ d.o.o. Mošćanica	150.000,00
6.	Finansijska podrška izgradnji objekta za instaliranje opreme za tretman infektivnog otpada u krugu JU Kantonalna bolnica Zenica	150.000,00
7.	Izdavanje časopisa o zaštiti čovjekove okoline «Ze-do Eko»	12.000,00
8.	Napiši priču uradi sliku	6.000,00
9.	Promotivne aktivnosti, stručna usavršavanja	32.000,00
	UKUPNO	1.260.000,00 KM

Broj: 02-_____ /22
Datum, 04.02.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,
1x Ministarstvo finansija,
1x a/a.